

Crisis Theologica

Cárdenas, Juan de

Sevilla, 1687

Dissertatio XVIII. An sit peccatum mortale proferre iurame[n]tum sine intentione iurandi?

[urn:nbn:de:hbz:466:1-75689](#)

PROPOSITIO XXIV.

393.

cumque deficiat veritas iuramenti, Deus adducitur ut testis mendacij: in quo non est invenire parvitatem materiae; quia sic irrogatur Deo ingens iniuria. Si vero dicatur secundum, nempe quod in defectu adimpletionis non deficit veritas, sed fidelitas; cum haec sit capax parvitatis materiae, & solum sit culpa venialis, esse infidelem in re minima; siue res minima sit materia totalis, vel partialis, erit peccatum veniale. Sic peccat solum venialiter, qui omittit unam salutationem Angelicam, siue promissam ut materiam totalem, nempe cum quis voullet recitare semel unum Ave Maria; siue promissam ut materiam partialem, scilicet cum quis voullet recitare Rosarium, & illud recitans omittit unum Ave Maria.

24. Ad primam obiectionem ex P. Lessio respondeo, negando Maorem, scilicet, quod qui non implet promissionem iuratam, faciat Deum testem falsi. Ad probationem, licet in eo casu falsum sit, quod iurans impleturus sit iuramentum; Deus enim scit, non esse implendum; at id non est falsum ex intentione iurantis, cum habeat intentionem implendi; unde solum est falsum materialiter. Sic enim in iuramento assertorio si id, quod cum iuramento assertur, coram Deo est falsum, iurans tamen existimat omnino esse verum, nullo modo est periurus, nec deficit a veritate debita iuramento.

25. Ad secundam distinguenda est Maior. Eiusdem rationis est falsum reddere [in locutione] id, quod Deus antea testatus est, & quod de praesenti testatur, concedo; falsum reddere [materialiter solum] nego. Quia dum quis deficit ab impletione promissionis iuratae, non loquitur adducendo Deum ut testem mendacij; & antea adduxit Deum ut testem veri formalis. Ad tertium patet ex

dictis, non deficere veritatem formalem ex defectu impletionis rei promissa, sed solum deficere fidelitatem.

26. Ex dictis constat, non damnari in hoc decreto opinionem assertentem, posse esse culpam veniale, non implere promissionem iuratam in materia leui. Et ratio est. Nam in hoc decreto solum damnatur propositio assertens, non peccare lethali ter, qui vocat Deum in testem mendacij leuis; sed quando non impletur promissio iurata, circa materiam levem, non vocatur Deus in testem mendacij leuis; quia ibi nullum est mendacium: ergo in hoc decreto non damnatur haec opinio.

()

DISERTATIO XVIII.

An sit peccatum mortale proferre iuramentum sine intentione iurandi?

C A P V T I.

Proponitur propositio damnata;
& inquiritur, an sit peccatum mortale, an veniale iurare verum sine intentione iurandi?

S V M M A R I V M .

Qui existiment, damnari tamquam lethale, iurare verum sine intentione iurandi. n. 1.

Non est proprium iuramentum, quod sit sine intentione iurandi. n. 2.

Intentio est quasi verborum anima, num 3.

Iuramentum exterius prolatum sine intentione iurandi assert irreuerentiam respectu Dei. n. 4.

Ddd

Qui

Qui censem, id esse peccatum lethale. n.5.

Secunda opinio quomodo sit veniale, aut lethale iurare sine intentione iurandi. n.6.

Fundamentum huius sententiae. n.7.

quod producit obligationem. Cum ergo iuramentum sit actio, qua pro-
ducit obligationem, siue dicendi ve-
rum, siue standi promissis, requirit
plenum consensum voluntatis, atque
ad eam intentionem iurandi.

4. Supponendum est secundo
iuramentum exteriorius prolatum sine
intentione iurandi afferre irreueren-
tiam respectu Dei, & Sacri nominis
eius, quod invocatur, in quo conve-
niunt communiter Doctores.

5. Dissentiunt vero in ea quaesi-
tione, an semper sit peccatum mor-
tale proferre iuramentum exteriorius
sine intentione iurandi. In qua quaesi-
tione non pauci docuerunt, semper
esse peccatum mortale. Ita Caietanus
2.2. quæst. 89. arr. 7. Armilla, verb.
Periurium. num. 3. Couarrubias de
pacis. 1. part. §. 5. num. 2. & Filguera
citat. §. Respondetur.

6. Secunda opinio est, esse solum
peccatum veniale iurare verum sine
intentione iurandi, dummodo id no
fiat in contractu, aut in iudicio legi-
timi, esse vero mortale si iuretur
falsum, etiam sine intentione iurandi.
Hanc censent probabiliorem Pa-
ter Suarez, tom. 2. de Religion. tract.
de iuramento. lib. 3. cap. 17. num. 6.
P. Castro Palao, tom. 3. tract. 14 disp.
1. punct. 8. num. 4. P. Thomas Sanch.
lib. 3. sum. cap. 6. num. 10. P. Lessius,
lib. 2. de Iust. cap. 42. dub. 8. num. 42.
& plures alij communiter.

7. Ratio autem, ob quam defen-
dunt, non esse peccatum mortale, ita
iurare verum sine animo iurandi, est,
quia id dumtaxat est mendacium, &
non perniciosum homini, aut Deo.
Non homini, quia extra contractum,
& iudicium legitimum & extra que-
libet casum, in quo proximus dam-
num patiatur, nulla fit iniuria homi-
ni. Non Deo, quia licet exteriorius affe-
ratur testimonium Dei, illud assertur
in confirmationem veri. Esse autem
pecca-

*Filguer.
Lumbier.*

1. **P**ropositio 25. ex ijs que dam-
nantur in praefato decreto, est
hæc: *Cum causa licitum est iurare sine
animo iurandi, siue res sit leuis siue
gravis. Ex qua damnatione fortasse
non decrit alius, qui existimet in-
ferri, semper esse peccatum mortale
iurare sine animo iurandi, etiam si sit
verum id, quod sub iuramento affer-
ritur. Et ita videtur intellexisse hanc
propositionem Filguera in illius ex-
positione. Lumbier autem num. 1821.*

*videtur prima facie idem sentire; sed
si attendantur ea, quæ docer in loco,
ad quem se remittit (scilicet ad tom.
2. summæ num. 588.) solum videtur
intelligere damnationem proposi-
tionis de iuramento falso emissio sine
intentione iurandi.*

2. Pro cuius rei claritate suppo-
nendum est primo, non esse vere, &
proprie iuramentum, quando de eis
intentio iurandi. Quod ita certum
Tho. San. est, vt Pater Thomas Sanchez, lib. 3.
Suar. sum. cap. 10 num. 4. afferat, in hoc co-
S. Thom. venire omnes Doctores. Et P. Suar-
Caietan. rez lib. 2. de Iuram. cap. 7. num. 2 ait,
Sotus. id esse certum apud omnes. Et pro
Couarrub. hac sententia citat S. Thomam, Ca-
Panorm. ietanum, Sotum, Couarrubiam, Pa-
Glossa. normitanum, & Glossam in cap. *Ve-*
niens. de iure iurando.

3. Et ibi rationem reddunt, quia
interior intentio est quasi verborum
anima: erunt ergo verba quasi mor-
tua, & iuramentum amittet vim suam,
si defat intentio iurandi. Deinde quia
ex actiones humanæ, quæ pariunt
obligationem, requirunt consensum
voluntatis, qui consensus dari non
potest sine intentione faciendi id,

*Caietan.
Armilla.
Couarrub.
Filguer.*

Suar.
Cap. Pal.
Tho. Sot.
Lepinius.

peccati saltē veniale, omnes affir-
mant, quia est mendacium, dicere se
iurare, cum re vera non iuret is, qui
non habet intentionem iurandi.

CAPVT II.

*An hęc secunda sententia sub-
iaceat damnationi?*

NON EGET SVMMARIO.

8. Dificultas ergo præsentis di-
sertationis est, an hęc secū-
da opinio contineatur sub damnatione
cius 25. propositionis. In qua
questione afferro, eam secundam opi-
nionem nullo modo comprehendendi
sub ea damnatione. Quod sic ostendō.
Nam Pontifex condemnat pro-
positionem, quę afferit licitum esse,
iurare sine animo iurandi: sed ea
opinio non dicit, licitum esse iurare
sine animo iurandi: ergo ea non con-
demnatur à Pontifice. Maior constat
ex ipsa propositione damnata. Mi-
nor patet, quia peccatum veniale nō
est licitum: ergo propositio, quę di-
cit, aliquam actionem esse peccatum
veniale, non dicit esse licitum.

9. Hinc colligitur quantū exor-
bitet à veritate Filguera citatus §.
Nihilominus, dum refert pro opinio-
ne afferente, esse licitum iurare sine
animo iurandi Patrem CastroPalao,
P. Lessium, P. Thomam Sanch. Bonac-
cinam, & alios; & consequenter vult,
opinionem horum Authorum con-
tineri sub ea damnatione. Et in pri-
mis notanda est inconsequentia Fil-
gueræ, qui cum dicat eos Authores
propugnare id vt licitum; in eodem
§. refert eos afferere, tantum esse pec-
catum veniale, quasi dicere aliquam
actionem esse peccatū veniale, idem
esset ac dicere, illam esse licitam. Et
quidem P. Castro Palao loco citato
hęc verba habet. [Si iuras sine ani-

mo iurandi, distinguendum est: vel
iuras verum, vel falsum. Si iuras fal-
sum, tamen in iudicio, quam extra, est
peccatum mortale. Si iuras verum;
probabile est, esse solum veniale ex-
tra iudicium, in iudicio, & in contra-
ctibus mortale.] Quod idem eadem
claritate docent P. Thomas Sanch.
& P. Lessius.

10. Exorbitat etiam Hozes in *Hozes*
explicatione huius propositionis 25.
n. 3. attribuens P. Thomæ Sanchez, *Tho. San.*
quod dixerit, non esse peccatum ve-
niale, iurare sine animo iurandi; cum
in loco quem citat ipse Hozes (lib. 3.
sum. cap. 6. num. 10.) doceat opposi-
tum in hęc verba: *Si iurans dicit ve-
rum, tunc solum peccat venialiter,
quando vult significare se habere iu-
randi animum: quia est mendacium, &
non perniciosum. Secus si id significare
nolit, sed quoddam aliud disparatum.*
Et circa hoc ultimum possit exem-
plum in eo, qui afferit iuramentum
materialiter, sic: *Dico quod iuro, ubi
solum affirmat quis, se dicere ea ver-
ba, quod iuro, & verum est, se dicere
illa verba.* De hoc autem modo di-
cit, verba quę refert Hozes: *Ego cre-
do, nec hunc venialiter peccare: quia
nullum est mendacium.*

11. Citat etiam Hozes P. Castro
Palaum pro eadem assertione, quod
iurare verum sine animo iurandi,
nullum sit peccatum, neque veniale.
Sed sane oportet accuratius legi Au-
thores, ne illi patientur calumniam
immeritam. Nam de mente P. Castro
Palai constat ex verbis proxime
relatis, illum perperam
allegari pro ea affer-
tione.

CAPVT III.

Solvuntur obiectiones, quæ militant contra secundam opinionem.

SVMMARIVM.

Qui iurat verum sine animo iurandi, aliquid falsum admisit, sed iuramentum non cadit supra falsum. num. 13.

Quomodo qui iurat sine animo iurandi, iuret ad decipiendum proximum? num. 14 & seqq.

Et quid quando iuramentum cadit supra sensum amphibologicum verum? num. 16.

An qui iurat sine animo iurandi, illudat Diuino testimonio? num. 17. & seqq

An semper sit peccatum lethale, simulare sanctitatem; deciditur ex S. Thoma. n. 19. & seqq.

An qui orat, ut appareat sanctus, peccet mortaliter. n. 21.

An qui simulat orationem, ut appareat perfectus, peccet mortaliter. Ibidem.

Quomodo hypocrisis sit peccatum lethale? n. 22.

Disparitas inter eum, qui simula orat, & eum, qui iurat sine animo iurandi. n. 23. & seqq

12. **Q** Via non solum censeo, eam secundam opinionem immunem esse à damnatione Pontificis, sed etiam illam esse veram; operè premium duxi satisfacere obiectionibus, quæ contra ipsam militare possunt. Obijicit ergo primo. Qui iurat verum sine animo iurandi, mentitur in eo, quod dicit se iurare, cum re vera non iuret; & simul profert exterius iuramentum; sed qui menti-

tur iurans etiam sine animo iurandi, iuxta eam secundam opinionem, peccat mortaliter; ergo qui iurat verum sine animo iurandi, peccat mortaliter.

13. Respondeatur concedendo, illum mentiri in eo casu, sed iuramentum non cadit supra mendacium, sed solum supra verum: quare distinguenda est minor: qui mentitur iurans sine animo iurandi peccat mortaliter, si cadat iuramentum supra mendacium, concedo; si cadat supra verum, nego. Si enim in eo casu dicaret, *iuro me iurare*, esset peccatum mortale, quia iuramentum caderet supra mendacium.

14. Obijicit secundo. Qui usurpat iuramentum ad decipiendum proximum, peccat mortaliter: sed qui iurat sine animo iurandi, usurpat iuramentum ad decipiendum proximum: ergo peccat mortaliter.

15. Respondeatur eodem modo, esse peccatum mortale, si iuramentum usurpetur ad confirmandam deceptionem mendacem. Si vero non sit ad illam confirmandam, non esse mortale. Qui autem iurat verum sine animo iurandi decipit quidem proximum sine damnificatione illius (de hoc enim casu lðquimur) dum dicit se iurare, cum re vera non iuret. Sed quia iuramentum non cadit supra ipsam deceptionem, ideo solum est veniale.

16. Dixi *supra deceptionem mendacem*, quia aliquando potest cadere eiusmodi iuramentum supra depectionem non mendacem. Si enim cadat supra sensum amphibologicum verum (non tamen restrictionem mentalē) & sine damno proximi, siue sit cum animo iurandi, siue sine illo, solum erit culpa venialis.

17. Obijicit tertio. Tunc est mortale, cum Diuino testimonio illuditur: sed qui iurat sine animo iurandi,

randi, Diuino testimonio illudit; cum per fictionem afferat illud, ita ut actu externo illud invocetur, interno autem eius invocationi dissentiat: ergo peccat mortaliter.

18. Respondet, eam non esse Diuini testimonij illusionem. Haec enim solum datur, quando Diuinum testimonium assertur in confirmationem falsi, sicut si quis fingeret se orare: nam licet oratio sit actus Religionis, adhuc illum actum fingere, ex genere suo non est mortale.

Filguer.
S.Thom.

19. Instat Emmanuel Filguera citatus ex quadam doctrina S. Thomas 2.2. quæst 111. art. 4. corp. sic arguens: [Si per orationem simulatam cureret solum sanctus apparere, peccat mortaliter, quia grauiter illuditur Deus, cui simulate tribuit cultum debitum ex orationis suppositione: quod etiam contingit in eo, qui iurat sine animo iurandi; nam dumtaxat curat iurans apparere: quod contrariatur Diuino testimonio per illusionem adducto. Vnde in quocumque eventu fieri contingat, debet praestari cum animo iurandi, ne Divinum testimonium illudatur.] Huc usque Filguera.

20. In quo arguendi modo aliqua veniunt notanda. Primum est, quod cum S. Thomas in eo loco, quem citat is author, expresse dicat, non semper peccare mortaliter eum, qui simulat sanctitatem; is author proponit eam propositionem universalēm, quod peccat mortaliter is, qui per orationem simulatam vult apparere sanctus. Audiendus est S. Thomas: *Si autem dicatur hypocrita ille, qui intendit simulare sanctitatem, à qua deficit per peccatum mortale, tunc quamvis sit in peccato mortali, ex quo priuatur sanctitate, non tamen semper ipsa simulatio est peccatum mortale, sed quandoque veniale; quod discernendum est ex fine; qui si repug-*

nat charitati Dei, vel proximi, erit peccatum mortale, puta, cum simulat sanctitatem, ut falsam doctrinam disseminet, vel ut adipiscatur Ecclesiasticam dignitatem indignus, vel quecumque alia temporalia bona, in quibus finem constituit. Si vero finis intentus non repugnat charitati, erit peccatum veniale, puta, cum aliquis in ipsa fictione delectatur, de quo dicitur 4. Ethicorum, quod magis videtur vanus, quam malus: eadem enim ratio est de mendacio, & simulatione. Contingit tamen quandoque, quod aliquis simulat perfectionem sanctitatis, quæ non est de salutis necessitate: sed talis simulatio nec semper est peccatum mortale, nec semper est cum peccato mortali. Hucusque S. Thomas.

21. Ex quo colligitur primo, eum, qui orat, ut appareat sanctus taliter, quod solum in ipsa fictione delectatur, qui est casus, de quo loquimur, non peccare mortaliter, sed solum venialiter. Colligitur secundo, etiam non semper peccare mortaliter, sed quandoque venialiter eumdem ex eo, quod ultimo loco dicit S. Thomas de illo, qui *simulat perfectionem sanctitatis, quæ non est de necessitate salutis.* Nam qui simulat orationem, ut appareat perfectus, eam perfectionem simulat, *quæ non est de necessitate salutis.*

22. Secundum quod notandum venit est, quod illis verbis, *si per orationem simulatam cureret solum sanctus apparere, ea vox, solum æquiuocationem assert, & male explicat doctrinam, quam ibi assert S. Thomas;* iuxta quam dicit, esse peccatum mortale simulare sanctitatem, scilicet quando taliter simulat, ut expresse nolit habere sanctitatem, quæ consistit in iustificatione. Ita enim ibi loquitur S. Thomas: *In hypocrise duo sunt, scilicet defectus sanctitatis, & simulatio ipsis.* Si ergo hypocrita di-

catur

catur ille, cuius intentio fertur ad utrumque, ut scilicet aliquis non curer sanctitatem habere, sed solum sanctus apparere, sicut consuevit accipi in Sacra Scriptura; sic manifestum est, quod est peccatum mortale Sic S. Thomas. Vbi notabis ea verba, cuius intentio fertur ad utrumque. Peccat enim mortaliter, eo quod eius intentio, fertur expresse ad non habendam sanctitatem iustificationis. Quod autem loquatur S. Thomas de sanctitate iustificationis, patet ex verbis immediate sequentibus. Haec enim subiungit. Nullus enim totaliter priuatur sanctitate, nisi per peccatum mortale. In eo autem deficit Filguera, quod cum haec doctrina S. Thomae ad peccatum mortale hypocrisis petat utrumque, & quod quis nolit habere sanctitatem, & quod velit apparere sanctus, Filguera videtur eam vocem solum applicare ad hoc secundum, quod velit apparere sanctus.

23. Tertium, etiam si daremus semper peccare mortaliter eum, qui simulate orat, ut appareat sanctus, non inde colligi, quod peccat mortaliter, qui iurat verum sine animo jurandi. Tum quia qui ita iurat, non semper id facit ea intentione, ut appareat iurans. Tum etiam, quia est magna diversitas inter utrumque: primo, quia quod quis velit apparere sanctus, est hypocrisis; quod autem velit apparere iurans, non video quomodo insciatur vitio hypocrisis. Secundo, quia qui vult videri sanctus, ambitiosus est cuiusdam magnæ excellentiæ; qui autem vult videri iurans, non video quam excellentiam ambiat.

24. Iam vero ad instantiam respondeo distinguendo antecedens cū S. Thomas: si per orationem simularam curet solum sanctus apparere [si simul eius intentio fertur, ad hoc quod nolit habere sanctitatem iustificationis] peccat mortaliter, concedo [ali-

ter] nego. Sicut etiam nego id, quod subiungitur, quod grauiter illuditur Deus ex ea orationis simulatione in casibus, in quibus iuxta S. Thomam solum peccatur venialiter.

25. Ad id, quod subiungitur, quod qui iurat sine animo iurandi solum curat iurans apparere, affero id esse falsum: quia sepe potest contingere, quod quis iuret sine animo iurandi, & sine eo, quod eius intentio feratur adhuc quod appareat iurans. Et dato quod eam intentionem habeat, non est tanta inordinatio, ut propterea ille damnandus sit de peccato lethali.

CAPUT IV.

Aliqua dubitationes expeduntur.

SUMMARIUM.

Qui narrat iuramentum alterius, quamvis ipse non habeat animum iurandi, ne venialiter quidem peccat. n. 27.

An qui iurat cum amphibologia, comprehendatur sub hac damnatione? num. 28. remissive,

An qui iurat, nihil affirmando, nec negando, continetur sub hac damnatione? n. 29. & seqq.

Et quid, si habeat consuetudinem iurandi? n. 30.

26. **D**Ubitabis primo, an qui narrat iuramentum alterius exprimendo formam iuramenti, quam alter dixit, peccat saltem venialiter; & propositio affirmans, eum non peccare, continetur sub hac damnatione Pontificis? Et videris afferenda esse pars affirmativa. Ideo enim diximus peccare saltem venialiter eum, qui iurat sine animo iurandi.

di, quia profert verba iuratoria sine eo animo; sed qui refert formam iuramenti alterius, profert verba iuratoria, & ipse non habet anima iurandi: ergo peccat saltem venialiter.

27. Dicendum tamen est, cum ex hoc capite non peccare, ne venialiter quidem. Et ratio est: qui profert materialiter verba iuratoria, dum refert iuramentum alterius: & dum materialiter ea profert, non verificatur, quod ipse iurat sine animo iurandi, quia ipse non iurat, neque externe, neque interne. Et hinc patet ad rationem dubitandi.

28. Dubitabis secundo an ille, qui sine restrictione, sed per amphibologiam licitam ait haec verba: *Dico, me iurare per Crucem cum ea intentione, ut solum affirmet sed dicere comprehendatur sub hac damnatione?* Respondeo hunc casum pertinere ad dissertationem sequentem, vbi de amphibologijs; de quo ibi agendum est.

29. Dubitabis tertio, an qui iurat, nihil affirmando, nec negando, continetur sub hac damnatione. Multi enim sunt præcipue in Hispania, qui quasi ex praua quadam consuetudine ita frequenter iurant. V.g. *Ne discedas inde, iuro per Christum.* Et tabellarius quidam, cui videbatur, me, dum essem Rector cuiusdam Collegij, apponere in epistolis parvam portationis mercedem, scripsit ad me in quadam cartha haec sola verba *Pongase mas porte, iuro à Christo.* Id est: Apponatur maior portationis merces, iuro per Christum.

30. Nec dubitamus, esse peccatum mortale, si ea consuetudo talis sit, vt homo paratus sit iurare quidquid in buccam venerit, siue verum, siue falsum. Sic enim peccat mortaliiter, quoties iurat cum ea dispositione. Solum ergo est dubium, quando sine tali modo consuetudinis, iurat

quis, nihil affirmando vel negando. Et ratio dubitandi est, quia qui sic iurant, videntur iurare sine animo iurandi, cum nihil affirmet, aut negent.

31. Neque dubitatur, eos peccare saltem venialiter (etsi adsit scandalum, etiam mortaliter) quia negari non potest, esse irreuerentiam contra nomen Domini.

32. Aliqui existimant, praefatam materiam non contineri sub hac damnatione. Et ratio eorum est: quia ut iuramentum sit sine animo iurandi, necesse est, quod habeatur expressa intentio non iurandi: sed qui ita inconsiderate iurant, nihil affirmantes, neque negantes, non habent eam expressam intentionem, sed proferte volunt ea verba in tota sua significazione, quam habent: ergo non iurant sine animo iurandi. Ergo materia huius casus non continetur sub ea damnatione.

33. Afferro tamen, contineri. Nam illud est iuramentum exterius, quod affert indecentiam; & reuera est sine animo iurandi.

(* * * * *)

DISERTATIO XIX.

Quam sit illi itum uti in sermonne restrictionibus mentalibus? Et quæ praxis tenenda sit in manifestanda, aut celanda veritate?

1. **H**uc veniunt exponendæ tres propositiones, quas tamquam scandalofas damnavit, & prohibuit Sanctissimus Dominus Innocentius XI. in Decreto supra relato, quæ lunt tenoris sequentis.

2. Vigesima sexta. *Si quis vel solus, vel coram alijs, siue interrogatus siue propria sponie, siue recreationis causa, siue quocumque alio fine iuret,*

je